

丙寅冬月

如夢錄

夷門許鈞署

河南官書局重刊

如夢錄序

是書名如夢錄蓋仿東京夢華錄而作予物色三十年不可得今年秋晤裴君春橋始獲見之聞向無刊本亦不詳作者爲誰何俗以爲吾汴李熙亮先生著卽著守汴日志者殆傳言之悞也按守汴志序李君避亂金陵病革時始口授其子以成書而是錄關廂紀云大劫已過今又復興略有起色恐後人不知舊京之繁華故略錄之是是錄之成其在熙亮先生歿後也可知又按守汴志稱闖賊於崇禎十四年二月十二日抵汴梁是錄則云二月十三日守汴志稱闖賊二次攻汴於壬午正月十五日解圍南遁是

如夢錄序

一

錄則云正月十三日閱二十日乃退守汴志稱總兵陳永福之子守備陳德射李自成眇其左目是錄則云被城上箭中自成左目初不言射者爲何人以此證之其非熙亮先生作愈無可疑矣且錄中語多鄙俚類皆委巷秕稗小說荒誕無稽爲文人學士所吐棄如言繁塔爲龍撮去半截吹臺是一婦人首帕包土一拋所成北關關王赴臨埠集賣泥馬相國寺大門下金剛被咬臍郎縊死背膊上唬金剛黑夜逃出北門諸如此類儂指難數讀之實堪捧腹知熙亮先生必不爲此以遺後世笑柄顧其書猶有可取者如敘周藩之宮闕官署之規模祿秩之等差試院之體

制祠廟古跡之遺址歲時風俗之禮儀皆足見一代之典章備後人之稽考自非身在官府目所親覩又有冊籍可憑必不能鑿空懸揣指畫詳明并并有條是又不可以微疵遽爲廢置者春橋結念授梓愆徠 稍有參訂因不揣譎陋妄意筆墨於其謬悠繁蕪者節刪之缺略未備者補增之語未著明者剖析之詞未雅馴者潤色之意未融貫者疎通之并將原序中城池一節摘出增爲城池紀冠於其首補原本九紀爲十紀間有碑版石刻可資攷證者亦爲敘出至於街市廟宇或今仍舊名或今非昔稱或無其名而其地爲今之某處與夫一事一物遇有一知半解俱

如夢錄序

二

爲注明其下庶觀之者如身歷其境不至茫無津涯望洋而歎其他確有攷據之處卽有脫略亦姑闕疑不敢妄增易一字未識春橋竊笑瞽狂與否嗚呼作者自謂如夢惡知二百年述之者更爲夢中之夢耶然予猶惜其人之書傳其人之名不與之俱傳而此後之咨訪皆在於不可知之數是又遺予以如夢而不能不爲夢中之夢也夫咸豐二年歲次壬子十有一月汴人常茂徠秋厓氏謹序

原序

如夢錄所紀者汴梁鼎盛之時也恐後人未見不知有此光景而失其傳故紀之以便後人觀覽閱之者瞭然在目即見繁華之盛也所載者城池形勝周府故基文武衙署市井貿易祠廟古蹟花園景物與夫制度典章風俗禮儀一一開載統纂一冊傳之於後儼然如見不負梁園之富厚而忘其淳樸之風景也按汴梁乃豫州之分野天地之中樞八方之衝要腹心之重地其名曰大梁曰汴州曰汴京曰汴梁歷代更改不一可謂鞏固金湯億萬年不拔之基無如天運循環大劫已定於崇禎十四年二月十三日

如夢錄原序

一

闖賊李自成攻汴西城至第六日屯兵西關孤魂壇沒梁廟親自指揮被城上箭中左目第七日副將陳永福殺敗闖賊第八日賊退周王疏保永福爲總兵至十二月二十三日闖賊復至攻東城砲箭雲梯搭敵臺刨地道晝夜攻打至次年壬午正月十三日閱二十日被傷無數不能取勝乃退去至五月初二日又至不敢近城四面軟困河北數營兵馬不能過河無數軍糧不能運轉時議於狼城岡

村名在城西三十里

掘河渰賊卽有好讒暗畫陰謀

汴爲黃河淹沒禍自按臣嚴雲

京掘河始劉昌具疏力彈之見劉昌傳載府志

假進拒敵之策實爲破城之術悞

中彼奸墮爾穀中國主郡宗箝口不言諸王上臺鄉紳隱

默不語致使河伯震怒於九月十七日揚波鼓浪洪水潑  
天洶湧泛漲傾陷城垣居人溺死者十有八九救援不及  
一二叫苦連天呼救滿河如魚之游於沸鼎之中可憐數  
十萬無辜生靈盡葬魚腹之內終年逐月打堤幫埽費朝  
廷無數銀兩以防河患反開堤埽引水灌城此何奇計良  
謀乎當時王宗上臺鄉紳士子肯吐一言諫阻不至有此  
傾城大禍嗟嗟可勝歎哉錦繡中原一旦付於東流繁華  
勝景於此絕矣當時省會之中豈無高明遠見之士恐不  
留意或致遺落無考予心不忍淪沒失傳於後是以不辭  
俚言纂造成冊直言少文便於觀覽俾知汴梁無邊光景

如夢錄原序

二

徒爲一場夢境因取名如夢錄傳之於後庶好古者有所  
考詳焉

如夢錄

目錄

城池紀第一

形勢紀第二

周藩紀第三

爵秩紀第四

官署紀第五

街市紀第六

關廂紀第七

小市紀第八

如夢錄目錄

一

試院紀第九

節令禮儀紀第十

如夢錄

城池紀

外城曰土城周四十八里二百二十三步僅餘基址有門

不脩以土填塞備防河患

土城去今城二里餘勢若廢隄道光二十一年黃河決口俱淤

沒

內有甌城一座高五丈敵樓五座俱有箭礮眼三方四

正十六邪大城樓五座角樓四座星樓二十四座俱按二

十八宿佈置樣舖十座窩舖五十四座礮樓十座週圍四

千七百零二丈垛口七千三百二十二城兵一百五十名

東門名仁和門內匾迺祥二字月城一座有門三重北南

二水門以通曹州俗呼為曹門小東門名麗景門內匾宜

如夢錄

一

春二字月城一座有門三重北南二水門以通歸德歸德

古宋地俗呼為宋門

宋門南城垛上有刻字一云該管百戶汪隆界二地方一云該管百戶潘

勇界三地方門北城垛上亦有刻字一云該管百戶王雄界六地方一云該管百戶陳口界七地方一云該管百戶

李營界八地方俱作三行書字大尺許深四五分南門名

南薰門內匾中原勝概四字月城一座

月城內有嘉靖四十年修河南省城五

門記李夢陽撰左國璣書碑高入尺濶二尺八寸額已失去

有門四重東西二水門俗

呼南門西門名大梁門內匾永豐二字月城一座有門二

重南北二水門俗呼為西門

西門第一重門洞內有大鐵樞二高懸門額左右長二尺

餘卽古懸門舊制道光二十一年河水圍汴後重建新門樓撤去

北門名安遠門內匾拱

宸二字月城一座有門四重東水門一座俗呼北門五處

共鐵裏門五十扇環城海濠口寬五丈底寬三丈深二丈  
五門外跨濠俱有板橋俗名活弔橋曹門通蘭陽宋門通  
陳留南門通尉氏通許西門通中牟北門通延津謂之五  
門六路八省通衢以上由原序中摘出增為城池紀

### 形勢紀

汴梁地脈原自西來故惟西門直通餘四門皆屈曲旋繞  
恐走洩旺氣也勢如卧牛故名卧牛城城內周府前有興  
龍橋又有左右兩龍鬚東自鏞匠胡同地在今北書店街北口仍舊名往  
南至大店即今南書店街過鼓樓而東由鵲鴿市今仍此名迤南東至  
第四巷今仍此名南抵宋門大街止又自鼓樓往東至五聖角

### 如夢錄

二

今邑志訛為吳勝角 向南抵宋門大街止謂之左龍鬚西自武廟地在今北書店街北口仍舊名  
今旗纛街北口路東 往南至鐘樓樓已拆毀地在今巡撫署東十字街口猶名拆樓口俗訛為車路口  
一折向西復南折至半截街今仍舊名南一由鐘樓口往南過  
館驛街西口街仍舊名折向西過開封府署在延慶觀西今包府坑即其故地  
西南抵城牆一自館驛街西口由延慶觀今仍舊名西南抵雷  
家橋南謂之右龍鬚又南門內大街有大首按即今行宮東角十  
字街西門內大街有大爪隅頭在今大廟西牌坊十字街口小爪隅頭  
在西門內仁義胡同北口又有三山土街為一山即今布政署東往南土街爪兒  
隅頭為一山即大爪隅頭與小爪隅頭夷山為一山在城內東北隅鐵塔寺謂之  
三山不顯東門偏北宋門偏南南門偏西西門正直北門

偏東謂之五門不對鐘鼓樓鐵塔寺皆鎮城中旺氣下壓

諸凶在城有八坊曰大寧坊在南門內街東曰永定坊曰宣平坊

在仁和門內曰安業坊南至第五巷北曰新昌坊在大梁門內

曰崇仁坊曰惠和坊在土市子街東北曰廣福坊在安遠門內街東又有

五隅曰汴橋隅鼓樓隅鐘樓隅土街隅西關隅外又有四

鎮東埽頭西瓦子坡北金恒鎮疑即荆隆工南朱仙鎮又有五

所曰前曰左曰中曰右曰後並關廂又有八十四地方每一

地方設鄉約二員俱有巾帶本縣委帖一張照帖理事地方一名每年工食銀六兩每方火夫四名每年工食銀五兩此銀係門差所出門差即各街舖面及住宅編成金銀銅房三等九則上金房每年出銀三錢中金房出銀二錢五分下金房出銀二錢上銀房以次遞減中銅以下免出宗室鄉宦只免住宅地方火夫本縣各人給帖一張

### 如夢錄

三

上填數目照帖支取白晝供應官事入暮打更下夜

### 周藩紀

周府本宋時建都宮闕舊基坐北朝南正對南薰門即宋之正陽門也北有大門五間三開即宋之大宋門也週圍蕭牆九里十三步高二丈許蜈蚣木鎮壓上覆琉璃瓦下有臺基高五尺上安欄杆欄杆外街寬五丈方是居民四週有井七十二眼謂之七十二神煞向南是午門今猶名午朝門街東曰東華門今東華門街即其故地北曰後宰門層層宮門殿宇上料拱俱用銅絲網罩名爲飄衣字書無飄字疑當音風下有白石一方名曰足石取豐衣食之義極大宏敞碧瓦朱門九

釘九帶門內東西承奉司承奉內官掌管闔府事務傳遞  
本章與在京東廠司禮監同往北有直房百餘間中有東  
西二過門乃宋時科道衙門也明朝斷間讀去聲為一二三

間各官進內候朝於此停息更衣東過門往南通宗廟西

過門往西通天地壇東有馬廄即今三元街舊名後馬房今馬房坑沿街俗訛為馬

沿直房東西二庫罪宗所禁之地正北為紫禁城高五

丈上有花塚口內有攔馬牆南門曰端禮門北門曰承智

門東門曰禮仁門西門曰尊義門殿曰存信殿存信殿前

舊有銀安殿因周藩王氣太盛勅下貶諸蒙化既復取回

蒙化雲南地名按皇明通紀洪武二十三年置景東蒙化二衛又云建文即位以明年洪武三十二年為元年廢周

### 如夢錄

### 四

王櫛為庶人先是周王與燕齊湘代岷五府通謀至是乃命曹國公李景隆調兵猝至河南圍之執周王及世子闔宮眷屬送至京師削為庶人遷之雲南永樂即位是日復周王櫛爵土將銀安殿折毀並將

唱更樓及尊義門樓拆去東華門禁不許開四角石上俱  
用釘定並令於門前推土作臺此臺乃取鄭州之土經火  
鍊熟寸草不生形家者言毀銀安殿所以去龍心拆唱更  
樓所以去龍眼定四角石所以制龍爪堆土作臺所以尅  
水使龍不能飛騰東華門不許開謂之文官閉口拆尊義  
門樓謂之武將去頭端禮門上供明太祖畫像有釋道二  
教藏經外有城濠一道與大海子同濠內地基寬濶俱是  
內使居住東亭後按東亭當是東書堂之訛在端禮門外大梁野乘云周定王闢東書堂以教世

子辟長史劉淳爲之師端禮門之槐枯數幹陳咎  
于王王自修省幹復榮王名其槐爲攄忠之槐 有內書

堂外典寶官二員候上奏章用寶端禮門三瓮三開金釘  
朱戶紅花塗牆立甌鋪地進內東西二掖門門傍有四扣  
磨角臺高五尺乃宋時羽林軍跣班護衛之臺明朝有護  
衛軍三千跣臺候朝羣牧指揮統管永樂時削除臺基猶  
在直北下有板房四間八所各官伺候自此門進有校尉  
把守諸人不敢擅人傍有雲板門東西兩小月兒門小紅  
門使穿宮角門也正門名承運門卽宋之承天門也五間  
三開週圍石欄杆臺高八尺內安龍亭勅詔王宗官員拜  
舞之地兩耳有便門二座王宗官員入朝進內便門卽角

如夢錄

五

門也正北向南前殿九間穿殿五間卽銀安殿雖奉旨拆  
毀柱礎螭頭四角尙在後有存信殿七間內安寶座座上  
兩邊有長枕二個名曰威權後有圓繡靠背三元名曰倚  
勢兩廂配殿十間四扣朝房棋盤蓋造東西兩耳宋時內  
閣議政之處兩邊是文武朝見各班站立之所東廂是墨  
刻作西廂是印書裱背直房盛法駕等物東耳改爲典服  
所典膳所西耳是王子王孫習讀之處朝房是宗人儀賓  
候朝於此停息殿後有一字門名麒麟門五間北又有大  
宮門五空三開金釘朱戶青石欄杆臺高八尺外斷稍間  
承奉候朝北有寢殿七間月臺甬道皆白石欄杆四扣磨

角廊廡名曰棋盤宮兩廂俱是年老宮眷某奶稱呼大管事各有執事掌管並年幼宮媿有名上牌伺候上宿洒掃者住居後有養老宮一樣蓋造一樣三層後殿供奉神像後山懷內有青山匣一個方五尺內鎖鎮府之寶北有曰虎殿五間王曩停靈之所遺妃請入後宮內使宮媿照舊跟隨伺候宮後有煤山

府志云龍亭山一名煤山明太祖封周藩于開封築土山于王宮後

建亭閣列花石為游觀所國朝康熙三十一年建萬壽宮于其上按此則煤山即今之龍亭矣

蓄積煤炭

以備有警府中供爨山高五丈松柏成林上立石碣書八仙聚處四字山下有窪池又有湍水內浮二毬急水衝動上下交騰名曰海日拋毬沿岸上遍是水亭各樣遊樂之

### 如夢錄

### 六

處奇石異花重巒疊嶂攬之不盡山坎上就山依洞有女尼諷經敲動木魚有聲鹿羊抵觸禽鳥展翅猛虎作威鶴舞鶯鳴東窪又有慶安宮之勝不能盡言此宮內景象也宮外俱是老幼宮眷居住挨門比戶有三二百家亦有街道與市井相同宮門外東邊朝南有家廟一座

今家廟街即其故地

逢時祭祀麒麟門外有東西二街東頭拐角直通正南名曰東夾道有典膳所外廚專供賞賜往東有世子府乃宋時儲太子之宮往南曰春宮

疑當作春欽宮

凡遇二八月上戊日

理宜於天壇祭銅人向南於地壇祭銅人向北未祭之前三日王齊戒沐浴宿小殿王妃有送行酒一席日差小使

問安數次祭畢回宮王妃又有接風酒一席小殿卽宋樞  
密府王欽若所坐衙門東有呂公堂南有七星臺逢七拜  
斗南通東過門有內草場鹿圈有刻絲洒線作房書堂作  
寫柬本之類禮仁門東是東過門通東華門再自麒麟門  
外西夾道西掖門西有世孫府西鄰安樂堂凡年老宮眷  
病危送此堂中醫治如故發送出西華門殯葬繁塔寺保  
母墳此堂西有菜園門地在今龍亭前西街邑志作  
蔡元胡同誤應是菜園胡同有名  
設菜每月二十日放人看望宮內親戚進內有大門一間  
外人不能擅入有把門官校攔阻傳信呼名方許進內送  
禮物候回酒食管待是日正菜園門三間大開老幼宮眷

### 如夢錄

七

婕婢濃粧豔抹俱在門下等候親戚看望擁塞滿門雖王  
妃夫人官宦娘子到此下轎步入至日暮方散南有世孫  
小花園亦有花草池塘無數小景西通尊義門北有龍袍

此句疑  
有脫悞

冰窖內藏蘋婆鮮果等物北有鹽池菜園白衣

庵一座通西過門正西是西華門禮仁門東北乃是百花  
園名壽春園是周端王世子恭枵號龍亭所建此園本宋  
徽宗御花園故基有創出石碣可証宏大寬敞內有大門  
二門兩廂後殿西廂後有山洞俱是名石澄泥甃所砌與  
眞山無異上有古怪奇石錦川太湖墨石洒金等石參差  
崑峨懸崖峭壁岩嶠陵澗麓峪無一不備儼然一座高山

三層上建高樓五間金碧輝煌名曰凌虛閣下分子母九洞四面皆同各有門窗名曰九如洞洞內各有曲灣盤旋至二層名曰玄囂洞洞前有方亭二座上安仰塵刻就星宿部位晚間置燈於上照耀如星遊玩通宵不能盡覽俱有題讚東窪有一高臺上建亭高二丈上亭可窺見各宮眷住處此內宮之景只可目觀大洞東西兩路東路直東南有小山活水下有水閣涼亭三間兩棚附簷下有欄杆四面榻扇五彩鎏金週圍羣牆便於凭依觀蓮內設茉莉等花面盆對過高架飛橋下有蓮池池內有採蓮龍舟四面俱是菡萏芰菱水紅菖蒲赤綠芬芳金魚躍浪錦鴛戲

如夢錄

八

波鷗鴨浮沉水鳥飛鳴池畔遍栽芙蓉等樹入秋花開如錦傳言龍窩園內盡是木香木樨松柏月季寶相等花編成牆垣茨松結成樓宇茶蘼木香搭就亭棚塔松森天錦柏滿園松獅柏鶴遇風吹動張口展翅活潑如生萬紫千紅種種不缺有四時不謝之花八節長春之景洞後有車井一眼足供園中澆灌又後有水簾洞純甌壘砌內供白衣菩薩亭後栽植脩竹名曰紫竹仙境週遭溝渠如龍蛇盤旋灣灣曲曲外有圓門門上三字曰紫沱崖後有三清殿兩邊俱是全真道院戒僧禪室後數層有杏花村黃河九曲菊花園曲水流觴傍又有小山別亭有司官員到此

游樂各有題詠詩賦又有雲樓仙橋圓標上安板橋東西相通上有扶手平坦可走高二丈許凭高瞻眺可遍觀園中之景後有穿樓連絡不絕外有海濠緊依蕭牆又後宰門裏有土山名曰亭輦莊亦有殿宇麥熟觀農使子孫知稼穡辛苦羣王門第亦是金釘朱戶琉璃殿宇宮中皆有內景郊外皆有花園大門外有石獅子一對連座高丈五尺狴獬古怪宋之鎮門獅子也

故老相傳石獅子舊在南十字街口雍正十二年

修萬壽宮于龍亭上始移置今所右獅子兩腿斷折即移時所損傷也

兩傍南北跨牆紅鹿

角排柵甬路三道中路迎勅詔王出由此行走東西二道官員人等行走東西立有下馬牌上書官員人等至此下

### 如夢錄

九

馬正南街中有欽賜牌坊一座一高兩低四角小坊共七坊攢成一大坊夾角石龍盤繞週圍石座俱是須彌雕龍彩雲上下雕刻金龍彩鳳精巧無比上懸豎牌一面金書玉音二字下橫額書節孝兩全是賜周端王母妃袁氏又一坊一樣蓋造亦是玉音橫書忠孝賢明欽賜周端王之坊正門往南五丈遠臺階下東邊有一甌臺名曰拜臺接勅詔龍亭至此臺上跪接正中路南有木三根各長三尺練以鐵索名曰扭骨別捧坊下有杉木一根東西橫放名為當衝木俱是朝廷制度

### 爵秩紀

皇次子封國王世子日後襲國次子皆封郡王郡王  
長子襲王次子俱封鎮國將軍鎮國將軍之子皆封輔國  
將軍輔國將軍之子皆封奉國將軍奉國將軍之子皆封  
鎮國中尉鎮國中尉之子皆封輔國中尉輔國中尉之子  
以下皆封奉國中尉國王之女封郡君郡王之女封縣君  
封國將軍之女封鄉君俱有祿糧在布政司關領春夏二  
季於五月放祿銀十萬餘兩秋冬二季於十一月放祿銀  
十萬餘兩國王以下俱有祿麥祿米海鹽籽粒國王莊民  
校三百六十名每名工食銀一十二兩郡王民校二十四  
名每名工食同上厨役二名每名工食銀十兩原設國王

如夢錄

十

長史二員一左一右審理一員又有八所曰典膳所曰奉  
祀所曰典杖所曰典儀所曰良醫所曰紀善所曰工正所  
曰典寶所以上八所之官典簿廳一員乃長史司首領保  
駕指揮一員內官有承奉司五員一管年一典膳一典寶  
其餘輪流管事伴讀不拘數目俱大帽衣字書無徹字  
或徹謂絲也綏以下者乎巾再以下散官不可計算其餘伴當校尉俱  
有口糧郡王每一府有教授官一員典膳官一員每員歲  
支俸銀五十兩在布政司關領王宗男女俱有祿糧伴當  
校尉俱有口糧文武官員皆有俸給各色人役俱有工食  
各營兵丁俱領餉銀各衛所軍丁皆設屯地地方火夫見

支門差銀文武科場各衙門應用一切人役每人每日給

口食二分

按皇明通紀親王除嫡長子襲封外餘皆封郡王親王祿米一萬石郡王祿米二千石郡

嫡長子襲封外餘皆授鎮國將軍食祿一千石郡王孫授

輔國將軍食祿八百石郡王曾孫授奉國將軍食祿六百

石玄孫授鎮國中尉食祿四百石五世孫授輔國巾尉食

祿三百石六世孫以下世授奉國中尉食祿二百石皇女

曰公主食祿二千石親王女曰郡主食祿八百石郡王女

曰縣主食祿六百石郡王孫女曰郡主食祿四百石曾孫

女曰縣君食祿三百石玄孫女曰鄉君食祿二百石自成

化以來宗室日繁一遇歲歉常賦不足親王而下多減半

支給矣

### 官署紀

各官衙署俱在周府西南布政司署在鐘樓西路北

在今折樓

口西巡撫署東

本宋建都時舊基街南即宋南衙開封府可證前

### 如夢錄

十一

有牌坊一座上書方岳二字東西二坊東坊書保釐二字

西坊書旬宣二字大門五間上有豎牌一面書河南等處

承宣布政使司五門一開進大門內東是寅賓館上號吏

官房正北兩邊有直房六七十間東房五間直宿者住北

是正理問所後有監及司獄司西房五間承差官房北有

大門三間內是巨盈庫後借為歷日局再北東西是府州

縣衛各官廳再北東西二馬道再北有東西告示房六間

正北儀門三間東西兩角門進儀門內大堂五間是瑞表

堂堂上有布政司題名碑沈杰撰文碑今無存稍間是庫左有

經歷司右有照磨所週遭六房十四科東西兩邊吏房堂

後一字門三開後堂五間是紫薇堂東西兩廂堂官之所  
堂前有星星石二塊東是茶房廚房西是書柬房後有關  
王廟三間東西小屋盛酒席家什再自二門外東土地祠  
往東折向北俱是公廨有百五十家書吏居住署前街西  
是守道署街東口折向北路東是守道住宅北首都事廳  
往北經歷司再北左布政住宅堂後口往西路北右布政  
住宅折向南路西是架閣庫俗傳狄青得寶之處按即今撫署東  
保定巷据此則應作寶定巷迤南檢校署照磨署庫官署南是督糧道  
住宅再南副理問住宅案牘署餘俱是吏承居住再南抵  
前街口往西是按察司署即今巡撫署即布政司西街路北有

### 如夢錄

### 十二

牌坊一座上書總憲二字過牌坊路東是管河道署路西  
是兵備道署再北有府縣各官廳正北大門三間上有豎  
牌書河南等處提刑按察使司左邊牌書拿問貪酷官吏  
右邊牌書伸理冤枉軍民進大門內石寅賓館東西二馬  
道正北儀門儀門內大堂堂上有按察司題名碑齊之鸞  
撰文碑今無存大堂內後堂按察使住宅又自儀門內往東有  
兵備道住宅經歷知事巡道住宅西有河道住宅並照磨  
檢校司獄司西角裏往南朝西有敬畏堂即點風亭有獄  
神廟有男監女監官監都指揮使司署在鐘樓東街路北  
在今拆樓口東路北後鄰旗纛街前有牌坊一座上書專閫二字過牌坊

有官房四五十間軍民雜居北有朝南大門五間一開有牌一面上書河南都指揮使司其門兩截上截丈餘下截七尺門枕七尺高三尺厚簷柱裏外俱有大木柵欄進大門內東邊通都察院西邊是斷事司有正副二斷事北是寅賓館再北是獄有司獄司再北是知事署經歷司中道四個上馬石臺俱方四尺高三尺正北有儀門三間東西兩角門東西二馬道進儀門內在右俱是六房正北大堂五間內有都指揮使題名碑陳講撰文碑今無存大堂地基卽五代梁朱溫舊殿遺址極大宏敞有都司三員一員掌印一員領班一員巡捕本地城操協同遊擊行事每科武舉

如夢錄

十三

在此堂上赴鷹揚宴前張榜又武弁由此出身堂上有鼓一面丈二圍圓係酸棗木土城酸棗門之樹造成三個鼓一置鼓樓一置朱仙鎮岳王廟一置都司署上刻嘉靖年號大堂後有二堂再後是住宅東是班司住宅西是捕司住宅後有旗纛廟三楹地去今旗纛街北口數武路東民宅後院已爲水坑東有關帝廟一間西有張岳二神廟西鄰武廟地在今旗纛街北口路東大門三間稍間是伍員趙雲大殿正坐昭烈武成王姜太公左立孫武右立張良兩邊十哲俱是歷代軍師兩廊俱是歷代功臣武庫備藏各樣軍器前是箭道南有射圃廳武廟大門朝西此門卽是都司後門俗傳是楊太太家門爛釘

不爛木武廟門有過街坊書武成坊三字迤南路西是宣武衛署大門三間上匾宣武衛三字內有掌印指揮一員巡捕指揮一員鎮撫司指揮使指揮同指揮僉共二十四員千戶三千六百戶七十二俱世襲有獄經歷司司是開封府管武成坊西有小巷通總舖有坊上書肅察二字往西路北縣廳府廳中察院糧道清軍道都察院署在都指揮使司東今行宮疑先是太府明朝差太監一員河南鎮守縱弟劉二殃民被論殺除改爲都察院東坊書撫緩中夏西坊書整肅兩河正坊書中原重鎮前有照壁東西轅門外有軍門旗杆黑鹿角正北有大門三間東有中軍廳

### 如夢錄

### 十四

買辦房西有旗鼓廳衛長承差報事等各色人役房進內寅賓館儀門內竹苞松茂氣象崇閎兩邊皂隸房大堂五間內有巡撫都御史題名碑嘉靖十九年何塘撰文碑今無存

二堂五間月生館來鶴堂寢樓後樂堂門下健兵衛宿兵各色人役管轄八府十二州九十六縣十三衛所軍民人等總制兩河撫安八郡掌生殺之權森嚴之地按院署在

雷家橋西

橋在南門內迤西延慶觀南

舊傳是宋時南清宮八大王府

故址明改爲按院左坊書振綱肅紀右坊書激濁揚清正坊書太嶽執法大門兩傍各色人役房大門內有寅賓館儀門大堂二堂寢樓各處房屋華麗美觀提學道署在馬

軍橋南西鄰大道宮向南大門三間匾曰中天文學之司  
前有照壁東西兩坊左坊書振興文教右坊書樂育人材  
大門內儀門大堂二堂後是住宅門封府署在延慶觀迤

西即今巡撫署街  
南包府坑是

北與布政司直對向南大門三間匾曰

中原首郡大門上有樓名旣濟樓左右有過街坊左坊書  
承流二字右坊書宣化二字照壁兩頭又有二小坊左書  
包嚴右書歐寬東有包孝肅公祠祠內有宋開封府題名  
碑起建隆元年督居潤訖崇寧四年李孝壽共一百八十  
三名又有開封尹題名碑並記起崇寧四年李孝壽訖上  
官悟共四十八名末附金韓仲適一名

碑在今府署東  
南隅包公祠內陰

### 如夢錄

### 十五

陽學西有醫學正北有儀門三間東西兩角門儀門內有  
木牌坊一座上書古南衙俗所謂包公倒坐南衙也大堂  
五間大堂東有倉頡廟內有銅壺滴漏一架木人一個名  
婁耿先生

取漏更先  
聲之義

懷抱時辰牌一面上有十二時辰百

刻遇交時刻堂上定更起鼓大門旣濟樓接鼓延慶觀角  
聽更火夫聞聲一喊東報縣鐘樓口聽更火夫聞聲東報  
都察院西報布按二司及按院一齊起鼓分毫不差交更  
亦然正堂所轄三十六州縣六廳並首領府內居住西南  
有監內有司獄官有更樓巡更夫上呼下應大門南路東  
有門三間匾曰開封分署大門內朝南清軍廳南河廳巡

捕廳理刑廳管糧廳等署並倉重者下監輕者送倉祥符  
縣署在相國寺迤西今仍舊地大門三間左右有過街坊左坊  
書節用二字右坊書愛人二字大門匾曰中原首邑左有  
旌善亭右有申明亭又有各色衙役官房大門內有土地  
廟寅賓館收糧銀十六櫃上號房儀門三間東西兩角門  
儀門內甬道中立石碣上書聖諭六言背面書爾俸爾祿  
民膏民脂下民易虐上天難欺兩廂是六房大堂五間名  
戴星堂前有題名碑萬曆九年知縣李天麟立石曹金撰  
記碑今無存稍間是庫西南是監清軍東河管糧巡捕等署俱  
在縣內住惟河署另居大堂後二堂東是內宅匾曰敬事

### 如夢錄

### 十六

後食後樓書房管理一百五十八里豐厚有遞運所大使  
一員管站車一百五十八輛轉運使用其事重者下監輕  
者送所按明朝品職布政司從二品按察司正三品都指  
揮使正二品都察院正二品巡按正七品知府正  
四品知縣  
正七品

### 街市紀

自東下馬牌大街往南路東故唱更樓下灣橋一座上是  
引禮官房又南是八所官署往東是賈儀賓衙周王第  
三女府也東通徐府後坑今仍名徐府坑過賈儀賓衙口大街  
往南是審理所有染房磨房接骨李家油房至曲江王府  
東是單鳳巷按宋宮城南門曰丹鳳門此巷當因此門得名單應作丹巷口南有關帝

廟向西

即今老府門迤南路東南鄰是魯班廟

後通徐府後坑坑南岸有奶

奶廟一座向北

即今泰山廟是

自關帝廟大街往南是興隆橋有

寫真方家畫館至西亭府牌坊

在今徐府街西口

有帶子手巾大

小鞋鞮松串簪棒白貨等舖折向東路北有五彩彩頭條

牙子汗巾鑄銅簪扣酒店銅匠整理琵琶絃子北有茶葉

衚衕過口往東有成衣燒酒皮金雜貨南酒藥材等舖木

耳店酒館至徐府中山王裔孫之府奉勅修建故名徐府

街大門金釘綠戶匾曰大功坊門聯春王正朔頒千載開

國元勳第一家

按即今山西會館

又東是大山貨店街今俱名徐府街有

雜貨店當店東帖舖打金舖北是喬三府衚衕口有炒黃

### 如夢錄

### 十七

丹傾銷打金正升字號店北是黑墨衚衕

今自南口起俱名黑墨衚衕

口有燒餅冷酒雜貨過口是華亭王府大門改為大雜貨

舖東至大店街角

即今南書店街北口

自大店街角回來往西路南

有雜菜雜貨如松字號店俱是雜貨扇兒北門

北門疑有悞店

內俱是樓房有百餘間大祖師廟大王廟

當即今山貨店北口大王廟

內有京杭青揚等處運來粗細暑扇僧帽頭篋葛巾白蠟

等貨至小山貨店口

即今山貨店

過口往西有雜店過客店至

草三亭

草三廳今仍舊名

北口過口往西有羊皮金打飛金皮金

頭條牙子銅錫簪扣等舖西復抵大街大街往南有飯店

刷字刻字成衣造玉牒冊刊竺板至長史司署前牌坊上

書名藩弼允四字內設五品長史二員卽王者首臣輔弼  
教讀王之子孫俱由部選往南有竹貨漆店三街六市奇  
異菜蔬密稠不斷飯店皮鮓素麵店羊肉車鷄鴨鵝直至  
大隅首折向東有打銀鋪緞店估衣鋪羊肉響糖路北草  
三亭草三亭南口內有熟皮作房草三亭又名鳳凰巷俱回子  
居住有禮拜寺巷口往東有估衣店南酒店各樣美酒店  
再東有估衣大緞店三座當店軸丈鋪孝帽傾銷雜貨至  
小山貨店南口卽今山貨店南口折向北揭裱書畫頁手卷再北  
俱是字號店紅紙店京文紙傾銷合森字號生熟藥材北  
頭路東老莊家茶葉店各品芽茶往南接連不絕俱是藥

### 如夢錄

### 十八

舖扇兒舖路西張時天店古連紙舖對醋張家衚衕西口  
卽南書店街路西胡同今與山貨店不通改名將醋胡同後悞爲醬醋胡同是張應奉酒飯店  
各色奇饌又有傾番絲銀舖南北香料藥材店羊皮磁器  
店往南有打金店皮金舖迤南通是生熟藥舖至南口復  
向東今相國寺後街路北有雜貨磁器當店紙馬舖各品名香五  
頂神馬奉神等物俱全當店南果海菜店再東卽是大店  
街南口有鐵貨舖祖師廟緊靠鼓樓廟已折毀祖師廟卽今鼓樓西  
路北關廟路南是馬道街卽今鼓樓南馬道街定戮有名皮匣大箱冠帶  
帽盒文具簪匣七寸枕箱等貨皆是重銅飾件刷牙篋子  
舌抵眉掠灌香精雅京城臨清南京泰安濟寧兗州各處

客來販賣不斷再南有星君廟拆向東有坐北朝南鐵佛

寺今仍舊名卽慧林禪院迤南至第五巷按卽今黃大王廟胡同通宋門

街止又自鼓樓往西路南有鐵貨江米店西絨貨至麵店

口按卽今相國寺後財神殿北口再西有薰鷄鵝鴨豆腐鷄子紙店書柬

毛邊等貨此市有天下客商堆積雜貨等物每日擁塞不

斷各街酒館坐客滿堂清唱取樂二更方散再西有軸丈

氈貨緞店廣福店糖店緞店南酒店清唱局各色海菜六

安芽茶余芳緞店南酒店諸樣美酒乾菜糖果鮮魚鯁鱈

團魚鮮蝦螃蟹細片粉油子紛直抵大隅首大隅首大街

往南路東有乾菜糖果等物再南是盧家綽號雷公宅舍

如夢錄

十九

寬大內有大菜園一切菜蔬俱全祥符百姓殷實數第一

家藥舖羊油蠟燭成衣染坊茜紅氈店紙店至總聖庵周

府建立曹伴讀看管往南迤東是藍家衚衕卽今縣署後胡同西通大

街東通縣後過口有鮮果乾果菜蔬俱全亦是三街六市

酒肆油房麵店錢舖竹貨箍桶打錫切麵染房藥舖燒黃

二酒火燒燒餅牛驢肉車飯食粗饌南至縣角今仍舊名四面

皆賣布故衣有老婦人替人縫補衣裳自縣角往南有飯

店大米行所有鄭州輝縣光州固始等處運來各色大米

俱歸入行內其斗大如雜糧斗再南是州橋今淤沒仍舊名下卽

汴河其橋脚北過縣角南至小紙坊街口今仍舊名又名天

漢橋橋上東頭有金龍四大王廟西頭有勅建石碑並碑樓蓋罩傍又有開封府惠民局施藥亭官醫生在此調理病症有嘉靖三十九年施藥亭碑開封守周爻立李謙撰記碑今無存橋高水深舟過皆不去桅最宜月夜汴梁八景之

一所謂州橋明月也橋南是稅課司東京攷云明月樓在大漢橋南街東明洪

武十五年因其廢址爲稅課司東是木廠街今仍舊名通遞運所自稅課司往

南是六陳雜糧堆囤如山官斗五十四隻再南路東是薰家圈衚衕口過口再南是柴市賣柴薪雜木等物再南至小石橋亦是汴河別支橋南有乾魚店糟物海菜俱全各色生意牽連不斷再南卽原武府西牌坊折向東過牌坊

### 如夢錄

二十

坐北朝南原武王府大門五間金釘朱戶四門皆有伴當看守府中殿宇一片琉璃與別府不同原封祥符王係周藩近支周藩缺嗣取原武兄襲封後以其弟改封爲原武王地基寬大殿宇巍峨金碧精瑩山洞樓閣亭臺池塘花草樹木活水山子黃河九曲燈殿大山前後兩廂舞旋大戲數班西有桂樹百株隔牆香味撲鼻滿池金魚長二尺餘其景世間罕有布政司匾曰人間天上今南門內迤東藥王廟後往北路西水坑邊有大玲瓏石長八九尺又東鄰外馬號水坑中有大石甌作蓮花形圍二丈餘當俱是原武府中故物前有青龍背卽今縣學宮西街仍舊名直抵城牆復自原武府西牌坊大街往南有飯舖酒店鐵匠木匠繩匠磨坊紙馬等貨各

舖往南直抵南門止又青龍背東有梓潼廟即今縣學後梓潼閣

內有嘉靖三十三年重脩文昌祠碑記曹忭撰高仲嗣書

在今廟內東鄰元帝廟即五龍宮元帝背後有宋藝祖睡像東

有小校場此周府前東路街市也自西下馬牌大街往南路西灣橋一座上有紗帽舖專做王侯大小文武官員冠巾金玉犀角瑪瑙烏角等帶並女冠等類又南有代書舖張指揮宅醫獸瓜子坊子至瑞金王府再南即鎮平王府衙內向南鎮平王府過口往南有銅匠舖絨線舖梨店乾菜店絲店雜皮匣翻刻經書竹匠榻子匠至西亭府前有牌坊上書宗正府三字大門三間進內向南二門三間

### 如夢錄

二十一

前後屋宇不可計數正南對過山水花草亭洞極奇勢雖

狹小精巧雅致內有宗正一員號西亭西亭名睦榘字灌甫封鎮國中尉

係奉國將軍崑崙公之子崑崙名安河是鎮平王宗室覃精經

學藏書極富萬歷間舉文行卓異為周藩宗正後復領宗

學其子名勤美美應作羹見授經圖號竹居能繼父業設五書院天

毬館五柳亭禮賢館及別館數十處廣交當時名卿碩彥長者之車日滿戶外俗言竹居林山連日有酒其子履坦早亡孫永芝繼為宗正綽有祖風再南有竹貨舖機房織包頭首帕素縑裱綾畫絹羅底等貨名醫羅家獎匾無算生猪肉架各樣南北果乾菜三街六市熱鬧第一折向西

過街石牌坊路北是張皇親家牌坊上書倡義捐輸四字

再西有雜貨鐵貨鐵條口條白線冠髻布花殼兒

即婦人所戴小

髻殼汴中語若苛

首帕汗巾雨傘絲帶余大緞店翦裁鋪余濟緞

店零翦鋪余鴻緞店至李連衚衕有修補門牙青銅時鏡

程家鞋鋪布店當店絲線帶子成衣鋪至察院東俱是鋪

戶察院東大旗杆照壁前賣大米粥粽子油粉銅貨攤子

西大旗杆西成兵快

成姓兵快其職也

鞋鋪西至都司署西是棉

線市茜紅纓傘鋪銷金曲柄繡傘方傘俱曲柄黃青藍捉

影雨絹開龍傘片金扇打扇再西有梳子店三巷每巷有

三二十家俱賣四川黃楊福建荔枝松根淨齒精緻梳櫛

### 如夢錄

二十二

偶戲飛線

即今戲術

再西當店賣鞮西抵鐘樓網巾繩包錢鋪

有牌坊一座上書恩榮三世四字爲少司馬曹金立下賣

胭脂宮粉香袋等物復回向東路南有高燒酒臨清首帕

汗巾雨傘葛布再東有皮襖鞮褲上京發賣安轡鋪針粉

胭脂梭布店酒園各樣美酒各色美味佳餚高朋滿座又

有清唱妓女伺候再東有絨線鋪臨清首帕店銀花清絲

汗巾帳子圍裙余深緞店再東有首帕鋪周店潞油店關

家傾銷鋪陳漢章南鞋店青銅鏡鋪起磨古鏡扒髻布花

柬帖紙張直至大隅首自大隅首往南有乾鮮果錢桌酒

飯店箍桶鞮鼓折向西是館驛街

今仍舊名

有奉新王府馬鳴

王廟大梁驛原是宋時小御巷風鈴寺故基徽宗行幸李師師處僭稱師師府下有地道直通宮院明改爲大梁驛西有關王廟初本一間因著靈異改建爲大廟求籤輒應香火不斷即今館驛街路北關廟西有牌坊上書皇華二字復回自館驛街東口往南生意挨門不斷至縣角賣布故衣處折向西有眼藥舖各色雜貨生意路南是李鄉宦宅並立二門牌爲部郎李世德建人呼爲紗帽李家西頭有皂靴舖定做選材通襯文武官樣四縫掐金男女朝靴西抵延慶觀止此街即今縣角西大紙坊街再自縣角往南州橋南有染房至小紙坊街東口往南有雜糧大坊子至浦江王府折向西即

如夢錄

二十三

甯鄉王府遊擊府今名遊擊府街豆腐衚衕東口迤南是柴市逐

戶生意至小石橋南封邱府角今訛爲封邱街西是封邱王府

封邱絕後改爲魏忠賢祠忠賢勢敗火急折毀大梁野乘河南爲魏

瑞建祠樹旌曰崇德報功興工破土諸當事者咸往祭告獨提學曹履吉仰視長嘆稱病不去拜力役曰千人晝夜無息當砌春時督工某大參以匠役張三不預稟以紅氈包裹上獸而俟展拜怒加責懲蓋借上獸阿奉爲上壽也工未畢即拆毀督工某急令先搬獸擲下三忽跪稟日討紅氈褥裹下獸以便展拜督工者復怒責之或謂三多言取責三日吾臀雖苦楚彼府角酒飯各樣生意排門皆督工者面皮不知幾回熱矣

是至順城街營子街今仍舊名直抵南門止此周府前西路街

市也又自鏞匠衚衕即今鏞匠胡同口往南鏞各樣巾帽盔及各

色器用紙紮舖賣老鴿扇子東是商城王府熊家衚衕後改

為熊家園今訛為杏花園按即今關廟西向南半截胡同舊通南街後斷

有磨房酒店約馬舖

出賃喪舉綾幡旗傘魂亭銘旌架吹手小弔大馬油燭紙

張舖飯店至大店街角

北自鏞匠胡同至大店街角

往南路東有傾銷

舖果子舖薑店內賣鮮薑甘蔗葶粟子白果土茯苓再

南有酒飯舖燒酒秋露白酒路西是大山貨店口過口往

南是柘城小店專住妓女過客酒店再南又新店俱住貨

客妓女尤多飯店酒店雜貨等舖再南是油店住者香油

菜油綿油芝麻菜子吉陽夏布毛紙等客內有妓者三四

家店門南鐵匠專打鎖錠牲口蹄子再南有絮彩匠做顯

道神其頭模有五尺高六尺圍圓王府出殯皆用此物南

### 如夢錄

### 二十四

臨板廠衚衕

按舊與文殊寺通今斷

再南是都司官店內有官機乾

布建甯熱水中長紅黃夏布路西酒館飯舖臨清店專住

妓女再南有草料舖麵房成衣雜糧紙燭糖店杉板廠裁

縫舖做大綠獨行臨醋張家衕衕

今南書店街路西訛為醬醋胡同

東口

有古董粗磁盆罐炊帚筴帚趕麵杖蒜臼笊籬勺瓢之類

磨房傾銷緊靠鼓樓之下通是小爐打擺錫飾件往東老

鴉宅方脈余家弓箭舖路南是鵓鴿市

今仍舊名

賣鵓鴨雞貓

貓疑是毛之訛

南是爛麵衕衕迤東是齊陰陽衕衕西口進口往

東路北是臨汝王府南是博平王府醫官至第四巷

今仍舊名

南通宋門大街鵓鴿市口路北是三井衕衕

今名三井

眼科

再東是定秤衙衙做風匣方斗諸樣小活北是織負版負版

喪服所用方一尺八寸綴於衣後當領下垂之做孝帽東有炒黃丹通紅河沿仍今

舊名西通木廠衙衙定秤衙衙南口迤東是高張劉鄉宦住

宅劉謂勤信公昌也邑志貞節坊為劉夢丙妻趙氏立在舊鵝鴿市東夢丙庠生勤信公之父路南往

東兵科給事中高家住宅再東是皮店再東西藥材店齊

陰陽家胡同即今鼓樓街此胡同今不通東至五勝角今仍舊名到南頭此

即所謂左龍鬚也又自武廟街即今旗纛街往南染房布政司

更道路西俱是布政司東牆路東一直是都司官房武廟

門過街坊迤南路西宣武衛官房南是宣武衛署再南是

許公祠張公祠伍公祠俱春秋二祭至總舖南有燒餅染

### 如夢錄

### 二十五

房藥舖打銅過客店酒店客店飯店又客店淫店淫店義不可解

未知所市何物以下凡數見恐字有訛誤又客店成衣舖又淫店傾銷銀舖路

東磨房雜貨賣石器冷酒雜貨成衣舖過客行臺鐘樓口

以北各店俱有妓者又成衣南貨客店雜糧草料東一小

巷通梳子店南是紙馬傾銷醋舖切麵草料繩包雜物飯

店酒館布鞵烙鑄鐘樓口即今巡撫署東十街口樓已折毀網巾繩包錢

桌暑鞵線鞵紫白布帽匠樓下洞內有南京雜貨廣東人

事房中技術樓西俱是京貨綠兒匠製造印綬儒絲鈎總

裙絲結掛有過街牌坊一座上書卿相世家四字為靈寶

許讚立按邑志作許進下賣灌香刷牙篋子垂頭舌抵耳勺耳撚

帽靴鬃刷皮箱描金捲胎漆盒路南賣首帕黃黑雨傘香  
舖合香攢香俺苔香俺苔外夷地名香袋連籠桌圍等物帽巾舖  
三二十家定做百樣巾帽西至布政司署照壁後賣醬菜  
百樣醬油鹽醋西有酒店當舖成衣舖至按察司署西有  
京文紙舖賢大嫂廟再西有酒舖官帽舖製官帽鞮頭之  
類羊肉麵店日宰羊數隻麵如銀絲扁食奪魁各府馳名  
西至開封府角止往南是半截街今仍舊名有打紅銅諸樣器  
血舖鐵鞋幌有名鞋舖三鑲卓履折鞋方烏萬卷書程子  
刻絲雲頭雙刺細鞘各樣檀鞋儒履以東有食店過客行  
臺酒館草料繩包鞍架鞭鐙角皮淫店紙商葛羯子纓子

### 如夢錄

### 二十六

店夾剪摔剪鈴銷氈毯等貨六府角按即今巡撫署西角路北迤東有  
酒肆麵舖成衣錢桌過客店代書呈詞狀格紙張淫店二  
座助老扶幼走馬烏鬚扶乩戲術棒瘡料理半截街北頭  
有酒樓巾帽舖再自鐘樓東往南俱是錢桌冷提臘燒等  
酒胭脂銀舖大館賣豬肉湯蒜麵肉內尋麵諸食美味闔  
郡馳名再南賣頭盔戲衣梨園槍棒再南是織染局再南  
是書舖直至館驛街西口再南有成衣局小書攤以南皆  
是香舖魚骨爲記有名合香一切雜香有三五家昌名假  
充又有飯館筆舖數家折向西有成衣舖談命館麵舖客  
寓亦有妓女膏藥代書又客舍過包公祠至開封府署西

各色人役官房新街南口過客店酒店至半截街南頭路

南是大傾銷處專做上納元寶大小成錠客寓天主堂

縣志

劉猛將軍廟在延慶觀西舊係天主堂雍正三年總督田文鏡改置

西亭祠巡道署西河署

干少保祠

祠移建今西棚板街路南

西是馬軍橋又名蔡太師橋

亦名馬軍

衙橋

往南是高牆卽閑宅罪宗所禁處老君堂西抵城牆開

封府門正南路東是各廳居住南通送子橋西是靜安街

今仍舊名

南是倉西角向東關王廟南通呂御史街再南抵城

牆止又自延慶觀南各項生意東是大紙坊街西口

大紙坊街

今仍舊名

有白布店延慶觀大門三間門前有石獅子一對大

門內向東有關王廟三間向南二門三間正殿供三清天

### 如夢錄

### 二十七

尊殿後有八瓣琉璃塔上圓下方內外純甃砌就約高四丈三層最上一層向北簷下刻通明閣三字行書字大尺餘下層向南有洞內供元帝並有張三丰遺蹟西有小殿三間內住全真道人地極清幽過往官員清客巨商多於此寄寓觀南是小倉倉東是小紙坊街西口有坐門妓者西是按院積穀倉改爲鑄錢局造天啓崇禎錢南是倉東角西是撫院積穀倉又西是軍儲倉內有重修開封府軍儲倉碑記王惟儉撰碑今無存大堂三間廡房棋盤蓋造六十年俱是九檁中有曬穀場西南孟子遊梁祠宋時創建內有明重修遊梁書院碑萬曆三十一年巡撫方大美撰文

碑今無存左坊書居仁二字右坊書由義二字路東是邵陵王

府名醫鄭繼元家其子封崇禎甲戌進士曾任廣西巡按

又有安吉王府再南折向西至按院署雷家橋今仍舊名南向

北關帝廟一座東是校尉營向北觀音堂今名觀音堂此即

所謂右龍鬚也又自東下馬牌往東按即今老府門往東大街茶庵三

皇廟路北一直俱是蕭牆路南琵琶趙家走京李家專辦

請封報名幹王册封之事名桂齋好養門鷄鶉鶉宜陽王

府冰窖畫鋪藥鋪卓典杖卓姓典卜杖官名住宅又菜鋪做紅土

獨行邱家鋪戶自鏃匠衚衕東有飯店崇雅香鋪去麝加

檀真正素香酒館再東香末店藥家姓彭謝廷璽新三營

### 如夢錄

二十八

將官飯鋪酒肆乾果麻刷等貨北是周府東角樓按地當在今南

京巷北口李空同故宅舊在此路南雜貨鋪東有過街坊年久字俱剝落

東有一坊上書恩宥坊三字板廠東是李宅後房即李河工宅

路北鋪戶酒店切麵當舖結帽匠俱是工正所人專結牛

馬尾各樣巾帽周府時常發出破網巾一二十頂洗補上

定金圈及羊脂玉碧玉瑪瑙紫金等圈其寶無比東是堵

陽王府為接嘉靖皇帝帝見其年老賜予雙糧登基之二

載上問周藩堵陽王可好遂頒下匾額上書御書存問四

字世宗存問堵陽王書云茲者南郊禮成大頒恩詔朕念王政先干老老仁民始干親親惟王宗室懿親壽邁七

十恩澤覃布所宜加隆茲特以羊酒幣帛令本府進奉官員順齋存問以見朕優禮之意專此以達惟王亮之見府

志州  
一卷

安吉王亦接嘉靖上喜安吉二字亦賜雙糧往東是

會長府再東是原武府避水樓壽木舖東帖舖柳條叵羅

等貨當舖舖東是會王府今布政署西金龍四大再東是

汝寧王府後改爲仁和王府即今布政司署至士街角短工市按

今土街遂寧王府成衣舖魯陽王府會吉疑當作王府燒

餅合簷餅作雙層名曰合簷出貨磁器家火酒烙緞盒雞鵝籠娶親

披紅銀花等物街南眼藥艾家張宏濟藥室魯陽王府官

廠艾文所藥局漂匠做傘籠醫獸彰德王府東酒飯舖至

王家角在今曹門內飯舖油房染作碾布生意接連至油

房角地當在今火神廟前街往東飯店鞣鞋宗學今布政司署迤東

如夢錄

二十九

順治五年改建再東保生堂往北一小巷關王廟在當

見火神廟碑東東通雙龍巷宋藝祖太宗舊居之地今仍舊名西通

路今不通遂平王府角自保生堂再東磨坊酒肆雜糧坊子傾銷銀

舖酒館麵店至轆轤灣坐南朝北奶奶廟即今曹門內泰山廟其地舊名

轆轤灣見康熙二十年辛酉建泰山廟後閣碑記兩廂紙馬雜貨乾鮮菜蔬各色

生意有百步拐向東直衝曹門故名轆轤灣往北十二祖

母廟大今曹門大街當舖內有宋鑄銅菩薩極工細衣紋

上有鑄就熙寧通寶錢數枚在今廟內南是觀音堂三官廟火

神廟繩匠木作鐵匠染房酒舖火燒燒餅各色農器直至

曹門止油房角南通東嶽廟後往南坐東朝西關王廟大

王廟雷祖廟魁星樓東有朝南日光廟曹門往北有西亭  
府書院週遭水波圍繞有游湖小舟北有葦蘆再北有觀  
音寺一座係周府香火院山門二門大殿五間上坐觀音  
菩薩東配殿千手千眼佛西配殿有轉輪藏左右鐘鼓樓  
後有山亭透靈碑一通碑今無存尼僧百衆內設女學周府內  
小婢女在此讀書老軍把門閑人不得擅入寺今已亡國朝重建於雙  
龍巷路南內有三足銅香爐高三尺許鑄字云大明國周  
府鑄造觀音寺香爐花甌一付永爲供養吉祥如意永  
樂六年五月吉日施按此當是從舊寺  
移來今寺門匾題古觀音寺殆失考北有鐵塔寺名祐  
國寺又名上方寺俗呼鐵塔寺北齊時創建前有山門左  
右兩角門門前週圍高丈餘東有鐘樓甌座高丈八尺上

如夢錄

三十

建崇樓四面門上琉璃四扣獸付簷四面琉璃佛其像極  
古內懸銅鐘布袋樣重六千斤下有陰井一眼深二丈餘  
北面有立甌細級可上遇王薨逝撞鐘三日三夜名引魂  
鐘內正殿五間中立接引銅佛一尊約高二丈後殿五間  
正中坐佛兩山羅漢殿後有八角琉璃塔一十三級上立  
銅寶甌高丈餘宋時浙人俞浩與丹青郭忠恕按圖同修  
層層俱有鐵佛八面圍廊六面櫺窗向南一門匾曰天下  
第一塔兩邊篆字對聯後又有地藏王殿東有五柳亭林  
木茂美卽宗正號竹居所建也前有三官廟卽今三官廟  
每年三月三  
日大會廟內有萬曆庚戌周府重修碑記左長史周國庠奉

令旨譔東書堂書辦官王之楹書西有黃塔故基卽今之  
惠安寺俗名破塔寺又有杏花村村西向南三清觀本宋  
之延福宮元時毀成平坡明改爲三清觀

內有鐵火鑪鑄字云周藩胙城

王爲三清觀施在今鐵塔寺南三官廟內現存

後殿供雷祖西通七府角北門大

街迤西往南有靈官廟北是蘆葦東南俱是鹽地大街往

南甬路一道中有小橋東通打箔衚衕

今北門內路東俗訛爲啞叭胡同

西路北是蓬萊閣四面皆水北是葦坡坡西向東小關王  
廟一間後是周府東北角樓往西是後宰門門東西貼蕭  
牆居民多業熬鹽俱無租課遇周府有喪葬事供應執旛  
之役角樓迤南蕭牆根俱軍民雜居東有宋眞宗勅建泰

### 如夢錄

三十一

山娘娘行宮

按卽今北門內西南泰山廟俗呼北泰山廟

銅像高九尺五寸後

殿張王妃替僧焚修張國紀挂匾曰宮載龍華前殿火居

道人焚修東鄰是古三皇廟

按卽今三皇廟

廟基高丈六尺廡山

殿三間內供三皇上帝四配兩廂十大名醫前是開天之  
殿亦是廡山轉角四明琉璃閃屏上龕內供道德天尊頭  
門三間石獅子一對匾曰天下第一古廟元至正五年重

修碑吳炳書

碑今無存

明周王重修三次往東是香山寺東通

槐樹吳家口西是二仙奶奶廟西南向北觀音堂朝南祖  
師廟衆人居住至東華門東路北是段儀賓府周端王長  
女府也東有裁縫鋪東北是潁川王府再東是應城王府

府內燈殿山亭不亞於原武有木器賣麵舖酒館當舖沈

邱府後院大冰窖南是沈邱府西牌坊前園東沈邱王府

有孫家篋子乾果粽子舖戶路西東華門一成衣舖四五

民家居住迤南蕭牆直至東角樓口向南兩路西通五府

街訛為五朝南關帝廟即今五府街東通打錫衙衙止按

府署西轅門外又有北門大街南昇仙橋有飯店酒舖染

房香紙舖張雲黃痘疹科染房繩舖驢市棺材舖路西門

牌王九德家九德萬曆庚戌進士官順慶知府父至七府

角各樣肉菜俱全迤南紅門是汝陽王府路西王允朗家

允朗天啟八年應城府炭廠觀音牌路東通觀音寺按當

如夢錄

塔南寺南是拍箔衙衙口有磨房酒房約馬香舖小關帝

廟從福善街槐樹吳家口東小關王廟西通柘城府冰窖

二仙廟住道姑南是柘城王宗舉走京李家上京幹王錄

册封等事柘城王是副宗正至大關王廟即今北門內糧

西關頭門三間石獅子一對八字閃牆大殿三間廡山轉

角上坐藤胎戎裝大關王像一尊前簷向南有周世子像

為捐金重修廟宇故塑此像兩廊功臣後有寢宮左有五

瘟殿右有岳王殿大殿北三義殿左右五虎張黃趙馬姜

維大殿前朝南諸葛庵丹墀下有飲馬池街西路北是柘

城王府即今糧內有山亭樓閣花草樹木比原武府尤勝

道署

大門五間前是雜糧坊子西有小門通潁川王府南是外

科陳野庵紙馬舖磨房成衣舖至應城王府是花門府角

東是宴公廟

按通許汜水俱有宴公廟義取潁河未知何耶又按陳州亦有宴公廟祀宋知州宴殊未

知是否 昨城王府再東是遂平王府有冰窖燒餅切麵染房

酒肆鄉宦王兵馬家沈邱府東牌坊南俱是鄉宦王親居

住再東是中亭牌坊後賣與崇岡北是住府西童家小巷

東是大瓦寺衚衕

一作打瓦寺東京考云打瓦寺在土市子街東北惠和坊元末兵燬明洪武二

十年尼僧義果等重修按今白衣閣即其地

有丹客祁姓專以燒煉為生丁文

泉百樣煙火至土街

即今土街

有成衣舖響糖舖所造連十連

五連三合桌各樣糖果磨房驢肉鍋賣棺材織竹簾打鐵

### 如夢錄

### 三十三

箍泥牛匠往東線兒李家衕衕

按即挑筋教禮拜寺南牆外胡同今與土街不通俗

名仙人巷應是線兒巷之訛

有挑筋教禮拜寺

在今曹門內火神廟南寺漸廢

東有義

寧王府東北通圈王家角南通塌房街

即今馬神廟門街今自學院東口迤

南皆名塌房街

向南是奶奶廟再南是東嶽廟每年三月廿八日

聖誕之辰五日前會起進香做醮擁塞滿門所賣各樣貨

物遍地皆是棚搭滿院酒飯要貨諸般都備香火燎天人

烟蓋地內有廟圖碑並記上一橫刻字云東至儀賓東牆

為界西至汝陽伍府西牆為界濶五十七丈四尺左邊字

云東邊南北長南至官街北至官街共長八十一丈七尺

右邊云西邊南北長南至官街北至官街共長八十一丈

七尺碑陰紀嘉靖四十年碑在今東丹墀下康熙又有勅

賜東岳神祠重修記萬曆七年周王崇易主人譔在今西丹墀下

又有全省城隍畫像碑嘉靖二十九年南京戶部員外牛

恒撰左長史邱民心書在今廟東偏院又自大街即今街往

南折向西今府東角路北是李二河家即李光一連三處宅俱

是高臺一般蓋造西是王崂嶽霖住宅名霖字崂嶽萬曆

御本宋趙普府嘉慶初年居人修房創出石碣大街路東

是小山府大門三間牌坊一座上書孝子坊下書孝子睦

梁兩邊黑鹿角鹿角下井一眼府內殿宇華麗小山故後

子睦梁號書亭廬墓三年奉勅建坊睦梁字仲甫周宗室

如夢錄

三十四

藥糜及卒廬墓感白烏服闋不歸周王屢坊西有柬帖成

衣畫匠磨房許家旌叔得仙水遁而出許氏子逸其名居

通奶奶廟大街路西王宅柱史坊為王霖立路南是文殊讚同宗也見府志仙釋門東有夏家衚衕疑即今河占候官陳理軒東

寺寺為信國公湯和宅舊基其地當在今街之東去今河

回民居住有禮拜寺南牆有刻石橫書清真寺三字未

題萬曆甲辰冬立紀內不詳當是自他處移建並移其石

於此又按此篇之末紀西華門北有云迤西亦有皮局回

文殊寺街之禮拜寺或是在河陰王府紅河沿北頭打飛金

爐燒餅轎舖路北校尉營染房西是萊陽王府打錫衚衕

南口西是五府街南頭再西熊家衚衕南口當店紙馬舖

再西至大店街角

今南書店街北口

又自大店街往西

今河道東角

有

切麵鞦韆成衣東通黃瓜衚衕

訛為黃家胡同

有三官廟南是

炒米衚衕

今仍舊名按此街當在五勝角北非今之炒米胡同

路西是張平山宅外

科裁縫點笙至五勝角有六陳行折向西有南京大轎花

梨木大磁甌罐各樣京貨劉張高鄉宦宅定秤胡同迤西

三井胡同南口眼藥弓箭雜貨糧食紙馬客寓老鴿宅路

南鶉鴿市齊陰陽胡同西口南通第五巷抵宋門大街止

又自五勝角大街往東

即今學院街

氈貨作房各色生意東至

火星廟又自大街往南吹鼓手舖鼓樂旗爵出賃披紅銀

花蓋頭等項路西向南是博平王府西是臨汝王府迤西

### 如夢錄

### 三十五

路南是第四巷又大街路東有皮場公廟

地即今皮場公胡同西湖志相

傳有神張森相州湯陰人縣故有皮場鎮萃河北皮鞣蒸

潰產蠍螫人輒死森時為場庫吏素謹事神農氏禱神殺

蠍鎮民德之遂立祠凡疹疾瘍瘡有禱輒應漢建武間守

臣以問遂崇奉之傍邑皆立廟宋時建廟於汴京顯仁坊

向南三間黑大門匾曰富樂院

今院坑沿街皆其故地俗訛為圓坑沿

內有

白眉神等廟三四所各家蓋造居住欽撥二十七戶隨駕

伺候奏樂其中多有出奇美色妓女善恢諧談謔撫操絲

絃撇畫手談鼓板謳歌蹴圓舞旋酒令猜枚無不精通每

日王孫公子文人墨士坐轎乘馬買俏追歡月無虛日路

西俱是做粧奩床帳桌椅木器等物五彩朱紅描金退光

一切賠嫁家火捲態拔絲灰布定做描金方圓緞盒果桌

等盒院角南直抵五龍宮止

即今宋門內都宅角正南五龍宮

又自宋門

迤南開天庵門北俱是做燈人頭耍貨艾虎竈神之類北通曹門一派水波名曰城河南是石盤榭榭挨門逐戶生

意不斷西至府學宮

在宋門內西北見府志按其地當在今鐵娘娘廟前有嘉慶年間創出太

學石經可証

前有東西石牌坊二座左書攀龍鱗右書附鳳翼

兩馬道口有小木牌坊二座東是德配天地西是道冠古今中有櫺星門一座石獅子一對閃牆上左是河出圖右是洛出書俱是琉璃甃砌就兩邊下馬牌書文武官員至此下馬路南有天地牌坊一座櫺星門內石子甬路直至泮池週圍石欄杆向南戟門一座上有豎牌一面書交廟

### 如夢錄

三十六

二字大殿五間

按當是九間

正座夫子左右四配十哲兩廡七

十二賢東是名宦祠西是鄉賢祠後殿是啓聖祠西鄰是學署大門兩齋明倫堂堂後敬一亭內有碑記于少保謙

撰

碑今無存

有教授一員訓導四員門斗樂舞生祭器樂器又

有宋殘石經碑一行篆書一行楷書夾行寫

碑僅餘一通已殘缺剝落

嘉慶年間在鐵娘娘廟前橋東創出移置今府文廟崇聖祠大門下可辨者惟上截書禮記檀弓數句而已

西

有樂義書院院角

富樂院角

儀封王府為盜李鄉宦事發回鳳

陽將此宅賣與都任宅

今宋門內都宅角即其地任字紅落萬曆癸丑進士

西是第

四巷南口口西是鄆陵王府即七國魏朱亥之故基再西

第五巷南口是張尚書宅

按今黃大王廟即其故址

門匾太子太保金

陵朱之藩書尚書諱孟男其子民表字林宗善草書人多

難求醉後方書府西是寺橋

在相國寺東角卽馬道街南口舊名相國寺橋今亡糖

果馳名第一高牌紙店光花雨旱紙傘鑄造生鐵器各省馳名紙紮匠設火喪舉俱全南通原武府後生意連絡不斷往西路北是相國寺卽七國魏公子无忌故宅山門五間三空六開兩稍間四金剛前有石獅一對閃牆匾書大相國寺唐睿宗御筆山門東西兩石塔各高三丈餘二門五間內坐四天王大殿地基大六畝三分純木攢成不用甄灰九明十一暗四六榻扇上蓋一片琉璃瓦脊高五尺獸高丈許銅寶甬高大無比匾曰聖容殿元時不花丞相

### 如夢錄

### 三十七

親筆左右兩配殿左有伽藍殿右有香積厨鐘樓內懸大銅鐘一顆霜天聲聞最遠所謂相國霜鐘汴梁八景之一也大殿佛像俱是藤胎銅胎又有自來佛不知其數後遺失幾尊餘俱被祥符縣令某寄寓竊去殿內有碑一通上刻張平山畫布袋佛背面觀音菩薩俱李夢陽題讚左國璣書稱爲傑殿內東南角有匾地金字上題西江月一四句失記以下是崆驚海嶽國璣書振平山神畫道子佳中州三傑東丹墀有宋重修相國寺碑高二丈餘至道二年翰林承旨宋問撰碑燬無存後有傑閣三間高四丈周王所建上坐大慈悲菩薩西側立楊和天婦卽俗所謂相老相婆

也後有地藏王殿五間再後俱是僧居前後約二三百家  
每日寺中有說書算卦相面百藝逞能亦有賣喫食等項  
僧人專下過往官員及大商茶客清客等衆往還擺酒接  
妓歌舞追歡大門東有老婦人與人洗漿衣服縫紉補綻  
熱鬧無比往西路南有酒飯店良醫膏藥打印銀鋪錢桌  
紙鋪代書成衣茶館路北卽祥符縣署各色人役官房再  
西是縣角再自西下馬牌往西按卽今老府門往西大街路北茶庵竹  
竿廠迤西通是蕭牆路南有紗帽成衣畫匠鋪汗巾牙子  
木廠賣白松黃松桃木之類五六處有史典杖典杖官名住宅  
旗纛廟街今名旗纛街北頭有甌橋一空再西帽鋪門砌小山

### 如夢錄

### 三十八

子魚甌之玩再西古董鋪至周府西南角地當在今門封游擊署西口

觀音堂路北是保寧王府西是碾子衚衕內有湯溪王府

西是貢院地當在西門大街城隍廟後有萬曆八年重修貢院碑曹全

撰碑已無存南是府城隍廟東夾道出夾道向西街北是二徐

祠堂祠西鄰張仙廟廟西卽府城隍廟照壁鹿角牌坊大

門三間東西角門甬道二門三間東西兩殿內塑七府並

汝州城隍像甬路殿臺俱石欄杆大殿五間廡山轉角正

坐顯聖王明太祖行兵時顯靈佑助勅封爲承天鑒國司

民顯聖王左司右司判後殿如前蓋造週圍五十四司神

籤最靈香火不斷每逢朔望日大會各處進香擁擠盈門

照壁前賣牛馬尾網巾唐巾等貨牌坊下賣描金彩漆捲胎拔絲等盒帽匠盃洗舊帽安鞭爪兼補破壞東角門外賣桌椅床橙衣盆等架大箱衣箱頭面小箱壁匱書櫥一切木器西角門外賣軒轅鏡菱花穿衣錦背各色古鏡青銅時鏡粗細芽茶王容宮皂鹿角外賣錫器各樣走銅山水器皿等貨兩邊盡是嫁粧之物大小竹貨蓮桶蓮缸珍寶古玩雜貨攤子大門下賣油算油餠煎餅蒜麵扁食油粉酥糖等食物甬道上賣絨線翠花珍珠珊瑚各樣銀器杯盤零翦綉緞諸樣頭條汗巾東角門內賣時鮮乾果之類西角門內賣梳櫛竹篋假銀生活等物二門東角門內

如夢錄

三十九

擺設名琴古畫犀玉瑪瑙杯器爐瓶器皿貂鼠海獺虎豹鹿鹿狐貉等皮甬道上賣灌香刷牙篋子舌抵眉掠修補門牙香袋香笏扇囊盛香等物西角門下賣旗皆是彩帛製的南絲帶各處汗巾西丹墀賣絨氍毹葛夏布胥各樣鞋舖廟臺上油靴油鞋泥屐雨傘舖臺兒上俱是男女緞靴月臺上賣各樣梭布小機等布東丹墀綉緞故衣首帕等舖甬路北頭賣筆墨硯臺南京草履週圍廊下俱是小書時畫聖像故衣竿子賣藥算卦僧道化緣大門外南抵按察司牆盡是賣果木茉莉建蘭梔子砂甌砂盆磁繡墩花罇小轎骨花抽挪大轎十景花盆往南街東小書時

畫算卦相面戲術篋頭修脚之類街西銷金法衣道衣打

銀舖二三十家賣寶器珍珠翠花舖打紅銅各樣器皿直

至六府角

按即今撫署西角

又張仙廟廣生殿門內俱是賣金魚

銀魚火眼三尾魚秧

即魚苗汴人呼為魚秧

等項魚甌魚盆鐵篋蟲

兜等物飛禽鳴鳥百靈阜花畫眉黃雀角藍鶻鶻貓犬之

類諸樣絲網鶻鶻哨子明籠竹籠滾籠串袋等物至六府

角往西

六府角即今城隍前街南口正對半截街即其地

染房永寧王府

即今按察司署

國朝順治元年就府基建大道宮乾隆時復改為按察司署移大道宮於南

再西有皮局

今仍舊名

硝熟各樣皮張俱回回居住有禮拜寺向南牆上有姜太

公廟往北饗堂門口

今仍名饗堂街

有宋國公馮勝公祠西是陳

### 如夢錄

四十

鄉宦宅再西是魁星樓自府城隍廟迤西是縣城隍廟舊

在城南奉神岡萬曆四十年始移建城內西鄰濟瀆廟再

西是楊家衚衕

即楊時寧家邑志有傳

有向南小觀音堂西岡

讀上聲

上房俱是私科賃住口西有修補角燈小舖再西有靜一

打銀店專一打龍鳳花草山水人物瓷嵌纍絲乾帖真金

管化十成迤西是楊宅原在三邊總鎮三賜玉帶再西是

上洛府角向南上洛王府

即今城隍廟西街今街以西猶名洛府街俗訛為羅府街

西

是順發王府後改為安鄉王府北通大爪隅頭

今西門內關廟西牌

坊前十

路西城市丹邱乃上洛府山莊其中山景非凡猶

如仙山雅趣異常文墨詩讚更多纂書一部二冊名曰好

我篇路東是宏文書院上洛府西仁義衚衕在今西門內

南口往西數步折而南即弓箭衕今其地猶名弓箭街燒酒衕衕

南口西抵大城南通夷山郡止宏文書院南魁星樓西朝

南是縣學宮即宋雲老寺故址見明劉昌修學宮碑記內有天順六年重修學

宮碑提學道劉昌撰又有嘉靖三十七年重修碑巡撫章

煥撰碑俱無存南有印池石橋四面皆水有泮池石欄杆殿宇

廊廡與府學宮同學署前有接骨龐家安牙骨上跨骨跌

打損傷藥到病痊只此一家西是縣學西角北通小爪隅

頭在今西門內仁義胡同北口南通席店街今仍舊名又丁家角在今按察司署西仍

舊名往南馬軍橋東通靜安街今仍舊名南是大道宮角大道宮鐵鐘明

### 如夢錄

### 四十一

正德己巳年鑄今尚存往東是呂御史街今誤傳為玉石街街中南小巷有

海潮庵路北是三官廟西頭路南有關帝廟廟後是河波

往西路北是提學道署西鄰勅賜大道宮內有關帝畫像

讚碑左國璣撰並書背面張平山畫真武像亦左國璣題

讚嘉靖癸巳劉佩立石碑移在今館驛街關廟三月三日大會北直

山東朝武擔此為第一宮修醮打齋香火不斷西是許真

君祠八蜡廟兩傍俱是篋子舖做毛竹篋子馳名進香者

多在此買篋子正西朝東是洪山廟今名洪山廟街廟後牆迤南

大井南有靈官廟城根一帶婦人俱鎖雲頭做各樣名鞋

宮前俱糊金銀打絨線賣紙馬喫食大小生意不斷三官

廟左近抵河波方圓人家俱做布韞紡線結殼兒捏狄髻  
其大街小巷不記其數俱是小生意再自大街貢院迤西

此西門  
大街

內鄉王府是上十王府有四門九釘九帶門前是

厨役市凡有酒席來此招顧西是安昌王府

今爲安  
昌府街

有各

樣舖面小機布店染房漂白粉房做餠火打銀罐西鄰京  
山王府府前通是六陳行賣買日夕不斷關王廟前菜市  
肉菜俱全往南酒飯店紙紮匠陰陽局當舖上洛府角西  
小隅爪頭南仁義衚衕弓箭衚衕臨門大小生意擁擠不  
動官廳南打造盔甲什物槍刀劍戟諸樣兵械南夷山郡  
直抵西門止又自西角樓往北東是蕭牆至西華門有汗

### 如夢錄

### 四十二

巾齊家香舖各品沉檀素香各省馳名閩儀賓府王戚內  
相外宅和尚心燈香舖千佛堂北是西華門貿易不亞大  
隅首買辦糕盒進上皆在此爲東華門不開西華門熱鬧  
北是八府園五道街第一道有觀音堂關王廟北頭淨土  
庵鹽神廟東通後宰門盡是鹽地第二道街內是機房所  
織花素生縑烏綾包頭秋羅長絹護領等貨有三皇廟一  
座迤西三街都有廟宇大小生意亦有皮局回子居住有  
禮拜寺西鄰玉陽觀卽楊六郎宅址再西是五瘟廟廟西  
水坑內有古鐘僅露鐘鈕掘之不能出俗傳爲楊府聚將  
鐘西鄰孝嚴寺宋太尉楊業故宅業死節朔万其子彥昭

請改建爲寺追薦其父太宗賜名爲孝嚴寺內有萬厯乙

丑年重修碑記周藩國王撰許時中書

道光二十一年黃河圍汴因拋甌護

城毀碎幸未投之於水近僧人復用石灰粘合爲一

寺前俱是醋作房各樣醬菜發

行西抵石井河河西城牆大街小巷王府鄉紳牌坊魚鱗

相次滿城街市不可計數勢若兩京

### 關廂紀

汴梁五門五關廂麗景門外弔橋下有過客店竹竿行羊  
毛行皮店東有朝西玄帝廟路南關王廟社稷壇北有棗  
園古井一眼味甘且清關南一帶俱是燒甌瓦窰做甌瓦  
獸頭鴟尾勾簷滴水獅子巴甌琉璃等貨東至正陽門止

### 如夢錄

### 四十三

南薰門外弔橋下迤南酒飯店雜貨紙張等舖過客店排  
門挨戶生意不亞城內東有應城府花園內有荷花池池  
中有亭園中遊玩之處極多人詩讚牌匾無數往南路  
西有周王碗店乃神后磁器碗盞周王按節迎節在此治  
酒更衣卽爲行宮路東是校場西轅門正東朝南演武廳  
左有將臺南有大照壁東有關王廟廟後有營房百十餘  
間南有千柳園再南抵土城校場東是國相寺俗名繁塔  
寺其塔最大一甌一佛明初折毀止遺三層內空虛如天  
并向南大洞內供佛像前有大殿兩禪室僧衆居住西有  
白雲寺又有中山武寧王祠祀徐達常遇春李善長沐英

劉基馮勝湯和胡大海鄧愈李文忠西南是保母墳周府老死宮人葬此塔後朝北有玉泉書院亦名九仙堂係分守大梁道王城所建內祀兩程夫子前有照壁鹿角閃牆大門甬道二門角門內有大堂臺榭橋梁自高而下俱立甍爲細磴勢落山嶺清幽雅趣後有高閣上塑八仙並王公爲九位故名九仙堂塔後有井一眼水極甘潔名玉泉故書院以玉泉爲名迤東有古吹臺昔師曠曾在此審音故名吹臺舊祀碧霞元君呼爲二姑臺後改祀禹王爲禹王臺祀碧霞於禹王宮後正德十一年巡按毛公至謂祭非其鬼撤去碧霞元君改祀唐李白杜甫高適爲三賢祠

### 如夢錄

### 四十四

並自撰碑記其事碑今無存臺側有李空同別墅舊址每遇清

明端陽城內王孫公子擔榼携酒在此踏青遊玩郭外一景也仁和門外弔橋下有井一眼善煮豌豆餡又有井泉水味各不同有棉花市鮮果行東有朝西關帝廟後有琉璃饗堂是陳留王墳內僧人焚修東北抵山藥園止大梁門外西關是建隆廂乃義定坊有城一座亦有五門南曰南門又有小南門西曰新鄭門通新鄭故名是水門北曰迎恩門東門對大梁門東門內往南順城小巷往北是解寨寨北舊有萬人坑因作崇建小廟鎮之北俱是菜園大街正西路南是孝義巷又名社學衚衕南通內官墳柏樹極多

每年正月十六日居人多在此灸樹謂之灸百病有井一眼專煉金子首飾闔城銀鋪俱來此取水用大街往西路北是竹竿巷內有三靈侯廟其神最靈後俱是菜園再西是延賢儀館兩廂挨門俱是生意五更時鮮菜成堆擁擠不動俱有販者來買燈下交易城門開時塞門而進分街貨賣街北香燭紙馬雜貨糧食酒肉館鋪大鹽店數座西至丁字街向南岳王廟正南雜糧坊子馬市街早晨牛驢上市午間騾馬上市有過客買賣騾馬大店顧寫脚力此處是八省通衢之地故大店有三五十座內住妓女無數兩邊生意挨門逐戶按院決囚卽在此地正南路東石牌

### 如夢錄

### 四十五

坊東是井兒衚衕西邊盡是居民內有細樂小優兒居住東頭朝西奶奶廟向南大王廟關王廟巷內白眉神廟又是雜糧坊子南是金梁橋橋西是宋孟元老故宅遺址南通小南門街西是陝西街路南是王百川衚衕西鄰養濟院路北是豆芽衚衕西新鄭門外朝東三娘娘廟西直通土城止又自丁字街往西朝東三聖堂祀觀音大士義勇武安王清源妙道真君南有木炭廠往西路北是宋家衚衕正西新大梁驛西是寶相寺俗呼大佛寺有三清殿西至土城再自三聖堂往北向南二郎廟廟門前坐東朝西烈女祠三間可間供几三張上安可几長靈牌三架五分

大字書滿一省烈女節婦春秋勅祭此祠是隆慶三年巡

撫栗公巡按楊公建吳道直撰碑碑今無存往北路西玄帝廟

關王廟通迎恩門外往西路北是孤魂壇西是無梁廟奶

奶廟北是三山坡乃宋時教軍之場俗傳下有地道通城

內遇行兵時從地道出往北俱是葦坡直抵土城固子門

今其地猶名固門蠍子門即萬勝門通萬勝鎮止又自安遠門外弔橋下兩

廂俱是旅店鱸店北頭坐北朝南關王廟最靈北有大墩

東北是天王寺亦有僧衆焚修大梁野乘雲居天王寺僧也周定王出僧坐不起

王怒鞭其面火出王異之歸設齋遣官往請僧曰少候洗面即行頃謂官曰為我謝王我已赴齋矣官不信僧神出一蒸食為驗官報王王視之果席中內有洪武二十二年

物再往召莫知所向囚捐金廣其居

### 如夢錄

### 四十六

修 塔碑又有嘉靖十二年重修藏經閣碑左國璣書

道光二十一年俱沒於水土城角有鐵犀一隻于忠肅公製犀背有忠

肅公銘在今城外東北鐵犀廟俗呼為鐵牛石碑一通上鐫山水二字大約

四尺字畫深五寸許坐南向北取鎮壓黃河碑今無存又有各

府鄉宦花園書院玩賞之處不能枚舉大劫已過今又復

興略有起色恐後人不知舊京之繁華故略錄之

### 小市紀

五門所進柴草灰煤石炭木炭諸色菜蔬大小米緣豆等  
擔大小水車土車膠泥又各口有貨郎賣白布花素生縑  
青藍布小機包葛絨羯氈毯各色夏布綿紬山縑又有驚

閨

二寸餘長方鐵板八片綴以皮條手提搖之聲聯絡作嚮所以驚閨中婦女也驚繡形如小播

線所執者

洗鏡定剪磨刀補鍋定盤定碗定秤張羅劈柴鋤草

鞦韆拴紮鞍架等扯絡鞭子又有炒栗蜜果十香茯苓餅  
燒雞鴿鷄皮鮓鷄鮓瓜子鹹豆豬頭熟貨牛羊驢肉車各  
色果品諸樣瓜瓠上元之時百般花燈燈人元宵小娃春  
間來賣諸色野味穀雨時賣穀帖天中時賣天師艾虎硃  
砂雄黃鮮艾菖蒲油餛飩粽子百鎖排線五六月賣老鴉扇  
響竹涼枕蒲席各處暑扇葛巾西瓜甜瓜山藥蓮藕中元  
節賣燒紙金銀中秋節賣石榴毛栗梨桃各樣鮮果祭品  
等物九月重陽節賣菊花花餅十月朔旦經盤寒衣臘月

如夢錄

四十七

請竈神黃錢弔麻百事大吉葫蘆匙兒門神對子青松石  
竹香蝦蟇蠟簽瓦香爐蠟臺發麵酵子綿紙毛紙大鹽小  
鹽芥末薑蒜各品乾果茶食盤餽綿布手巾綿線帶子通  
草花兒五彩絨花兒剪裁零碎故衣竿子跨護領簫綾羅  
緞絹頭條牙子綾紗護領挽袖眉柱焠燈盤香羊油燭百  
草疼痛膏藥平時又有占課相面算卦瞎子女先彈唱僧  
道遊食筆墨書客遊學述之不盡

試院紀

周府西角樓西路北牌坊一座上書貢院二字東西有過  
街坊東坊書虞門四關西坊書周俊同登大門三間三開

廬曰開科取士門內有搜檢房二門東西兩角門三門三開北有木坊上書龍門二字東西文場號房三千六百間後不敷用每號頭增添板號二間院中有明遠樓四角有瞭望樓北是至公堂東有皂隸各役房及內供給房西是廚房鍋爐不可計數水池俱是錫鑲至公堂後東是監臨察院西是提調官衙後是受卷所彌封所謄錄所對讀所正北是文衡門聯語云場列東西兩道文光直射斗簾分內外一毫關節不通風大學士楊士奇書門內俱是經房後正副主考住房是五星聚處每科修葺畢驗號一遍有酒席臨考前一日先放老軍四千各認其號至日按院在

如夢錄

四十八

三門上坐點名士子入場散題次日辰時放飯大米飯細粉湯竹蘿盛飯木桶盛湯飯旗二面前走湯飯隨後自西過東由至公堂前擡走正行之際曉事吏稟老爺抽飯嘗湯遂各盛一碗按院親嘗可用始令放行至月臺下一旗入西文場一旗入東文場至三門二旗交過堂上一聲梆子響各飯入號散與士子食用次放老軍飯俱是小米飯冬瓜湯一樣散法按院不復嘗午間散餅果向晚散臘燭三場畢揭曉榜張布政司署前新舉人八十六名齊集府城隍廟同至貢院前領衣帽進至公堂簪花披紅鼓樂送至府學謁文廟畢同至布政司二門外東棚下赴鹿鳴宴

高結彩棚內懸一軸宴圖依次歸坐開宴正副主考按院俱是連十司道舉人俱是連五其餘小官俱是連三宴畢官馬鼓樂彩旗四面彩樓一座捷報牌一面文魁牌一面紅絹綠邊金字文元軟牌一面青絹傘一柄朱紅匣一個銅鎖內銀八十兩杯盤席面遣人分送至寓所衆舉人復約分資送至祥符縣令代辦酒席於九月九日齊至鐵塔寺登高會同年畢送主考回京武科在都司署前張榜武舉六十名取齊領衣帽謁武廟至都司堂行禮赴鷹揚宴席是連三給銀二十七兩文武兩科並鹿鳴鷹揚等宴共煩四百三十行總行頭趙世讀有冊可說

如夢錄

四十九

節令禮儀紀

年時有天地神棚家堂神聖供養祖先門神春聯黃錢弔

麻百事大吉鍾馗富炭擋衆木

在房門外

千斤石

在天地棚前

蒼朮

焮歲圪塔避瘟丹芝麻稗撒歲

散置院中

火炮驚瘟蒸食肉菜

果品等儀正旦國王率諸王宗人儀賓文武官員於承運門拜萬歲牌禮畢轉存信殿受朝朝畢賜宴此後諸王貴戚輪流治酒宴會月無虛日民間亦相與賀節交拜筵宴又自初一日後赴相國寺蕭牆街聽談古說因果遊樂兒童又有投核桃擲錢之戲初八日赴東岳廟進香遊玩俗以此日爲五閻羅誕辰竟日人烟繁盛初九日以後俱赴

上方寺携榼擔酒或在樹陰或在禪室或五柳亭或塔左  
右暢飲謳歌打謎猜枚行令折牌道字頂針續蔴絲竹管  
絃聲盈耳或於臺下走馬射箭亦有酒飯茶湯舖亦有戲  
棚雜耍又有雜貨耍貨終日遊樂至暮方散至迎春日內  
官宮眷俱著錦衣繡裳簇擁王駕三紫禁城閱春春臺春  
樓如一片花繡從麗景門進每巷口三砲莊農毛女百二  
十行扮作各色雜劇府官押春至周府門由東空而進春  
牛由中門進俱至紫禁城下自東過西各獻技能討賞城  
上隨駕宮眷柳綠花紅綉滿城頭亦有拋擲花枝令下邊  
人搶奪上邊嬉笑者閱畢春復由西空而出宮眷歸內府

如夢錄

五十

官及各廳進朝領宴宴畢簪花而出復押春向撫院兩司  
各署閱畢置春牛於府儀門外東棚下牛頭向西前設香  
案至立春時闔府屬官齊至拜畢官轉三遭各擊三杖然  
後廝役亂打又迎春日男女看春各戴春花春雞蝴蝶之  
類充衢溢巷擁擠不動王府軍門俱延客賞春至十五日  
上元佳節又名元宵節周府菜園內紮架鰲山高結彩棚  
遍張奇巧花燈不啻萬盞輝煌炫目有如白晝下依松柏  
栽就竹竿紮成九曲黃河王駕遊河細樂滾燈導引提爐  
香盒王乘小輦遊出宮門諸王國戚隨後遊畢登山鋪氈  
結彩迎接諸王國戚登山陪王宴飲轉番遞酒鼓樂喧天

周府舊有勅撥御樂男女皆有色長其下俱演吹彈七奏  
舞旋大戲雜記女樂亦彈唱官戲宮中有席女樂伺候朝  
殿有席只扮雜記吹彈七奏不  
敢做戲宮中女子也學演戲

是夕絲絃競奏舞旋扮戲  
弔對倒喇胡樂熱鬧非常又烟火架上安設極巧故事縱  
放走線兔子有火盃火傘火馬火盆砲打襄陽五龍取水  
牌坊等名花砲聲震耳諸王府鄉紳家俱放花燈宴飲各  
家共有大梨園七八十班小吹打二三十班各街廟宇俱  
有燈棚各家俱放花燈門前俱點門燈爭放花砲鐵塔上  
遍點燈盞一次用油五十餘斤遠望有如火龍兩學宮前  
俱有高照花燈花砲起火水兔子入水穿波隨風趕人有  
賽月明高處嚮砲下垂拘攣九條龍取水九轉高陞各樣

如夢錄

五十一

奇巧遊人或携酒鼓吹施放花礮或團聚歌飲打虎裝象  
琵琶隨唱胡抱倒喇街中男婦成羣逐隊至二更巨室大  
家宅眷出遊僮僕執燈侍婢妾媵冉冉追隨徘徊星月之  
下盤桓燈輝之中低言悄語嬉笑嚶嚶閃閃灼灼遊走百  
病相將過橋俗云過橋不腰疼如此三夜金吾不禁任意  
遊樂有捕官鎮守差役巡邏直待殘月西沉夜闌人散方  
各自歸家節禮追望內用元宵一品卽湯圓也南北果品  
表裏貧富任用王府鄉紳士庶人家各設酒款客玩賞元  
宵各街俱有燈市自初十日開市出賣各樣奇巧花燈亦  
有紗人耍貨舖面舖設至一二里花賞蠟梅蘭花香藍水

仙二十五日天倉小節二月初一日中和節祭日光次日俗爲龍抬頭之時延客吃龍鬚麵節禮送麵及果品肉菜之類十五日花朝節花賞碧桃紅梅瑞香月季薔薇茶蘼迎春丁香紫荊等花三月初三日大道宮大會說已見前至清明之日王宗鄉紳士庶人家各備香燭紙錠祭品上墳拜掃添土轎馬車輛載道男婦携幼盈野亦有提壺偕友郊外踏青至晚方折柳攀花桃紅柳綠街如軟繡至二十八日東岳廟大會出賣貨物與城隍廟同 禮用酥餅饅頭南北果品五色糖罐薄荷扇兒歡喜團兒北到板糖甘蔗葶薺金扇香囊排草零陵各品合香堆紗人物紙做

如夢錄

五十二

粉盒上坐粉貓仙女紗羅貧富任用至四月初八日浴佛節施米打齋僧尼領去煮粥齋衆花賞櫻桃芍藥牡丹玫瑰海棠萱草木槿至五月初五日端陽節地臘之辰門懸艾虎插彩艾菖蒲供雄黃酒菜萸蒲酒用硃砂雄黃點小兒耳及口鼻以避五毒吃角黍與油餛臠肉雞魚開罈豆頭備瓮菜馨送禮用角黍油餛臠南北果品糟魚時魚麻姑瓶酒追望女家紗羅小戶用紅黃夏布紗扇汗巾巧做各樣戴器皮金小符五毒大符小兒百鎖陶線絨纏背牌五色綵線網手及膝戴五毒花飲雄黃酒官員公宴玩賞荷花校場結彩棚請二司演武廳設筵中三路高結彩牌上

書穿楊奪錦下懸籠鴿走馬飛射中者鴿子騰空任人逞  
能俱有賞號亦有携酒赴繁塔寺禹王臺九仙堂各處遊  
宴花賞芰菱荷花玉蘭榴花茉莉玉簪水紅木香鐵角海  
棠翠鵝眉百日紅諸花名至六月初六日乃天貺節吃炒  
麵免病目七月七日道德臘之辰俗以此爲織女會牽牛  
婦女望空禱祝穿針乞巧中元節上墳祭祖追薦先靈放  
河燈救拔溺死鬼魂花賞秋海棠紅茉莉等花至八月十  
五日中秋佳節祭月光家家虔設清供月餅西瓜素餚果  
品毛豆等類請客飲酒名曰西瓜會婦女賞月觀星朝天  
禮拜焚化金錢寶馬楮信凡儀祈懇年年此日雙清節禮

如夢錄

五十三

用月餅西瓜鮮果鵝鴨肉肘追望閨女家紗羅貧富不一  
花賞芙蓉月季水紅茉莉至九月初九日重陽佳節各家  
俱蒸發麵花糕登高宴客玩賞叢菊禮物隨時備辦至十  
月初一日民間歲臘之辰家家上墳脩紙錢金錠寒衣祭  
品等物花賞茶蘼虎蹄梅花至十一月冬至節一陽生時  
食扁食朝賀送禮與年節同花賞凍菊梅花後逢三戊是  
王侯臘以上各臘俱天赦之期理宜祭祖十二月初八日  
俗呼臘八及佛誕之期施米打齋與前同大小人家俱煮  
果粥謂之臘八粥以應節氣至年近送禮薄厚不等二十  
三日竈神奏天之期禮宜祭祀王用猪羊遣典膳官祭鄉

紳士庶用三牲或刀頭供獻

猪肋羊重三斤俗名刀頭

祈訴祝禱以後

俱辦年設供待度新歲又清明中元十月朔俱是鬼節預先請城隍行神至孤魂壇請府城隍西門外孤魂壇請縣城隍宋門外孤魂壇僧道發文設壇禮懺誦經薦拔一切孤魂伏乞顯聖尊神傳諭遠近地方枉死冤魂至期赴壇聽宣法言早登淨土免墮幽冥施食畢各官回衙衆會預修旗幡法駕文武儀杖勅印等物提爐香盒龍燈高照擺列隊伍傳鑼清道大吹大擂細樂喧天送神歸廟三年會滿將燈幡旗號焚燒歸家治酒酬謝香頭縣城隍亦如之又城內各廟會場搭臺演戲建醮修齋大街小巷按時不

### 如夢錄

### 五十四

斷如此繁華被水衝頽無復形迹周府宮闕一旦折毀俱爲瓦礫之場荆棘叢生蘆葦滿地百花園俱爲牧場松柏果木任人戕伐令人見之無不仰天長嘆潛然淚下目不忍覩大木梁檁解上琉璃甃瓦小木入官變價暗地侵漁一物無存止遺紫禁城一座石獅鐘鼓二樓閣廟現存者寺有祐國寺卽上方寺香山寺相國寺臥佛寺觀音寺龍華寺清風寺國相寺卽繁塔寺白雲寺鐵佛寺華嚴寺寶相寺孝嚴寺大佛寺天王寺綻梅寺

在南門外今訛爲寨門寺

千佛寺

回靈寺禮拜寺廟有三皇廟玉皇廟日光廟星君廟府城隍廟縣城隍廟泰山廟玄帝廟濟瀆廟關聖廟二仙廟梓

潼廟三靈侯廟武廟旗纛廟東岳廟五瘟天仙回龍大聖  
文武二廟閻王八蜡三官姜太公皮場公大王洪山玄壇  
岳王等廟土神三神鹽神獄神院中白眉神宮中罕神庫  
神財神祿神機神等廟觀有三清延慶玉陽等觀宮有大  
道五龍等宮泰山行宮玄帝行宮堂有觀音呂公延壽慶  
安白衣老君三聖安樂萬壽等堂閣有玉皇觀音梓潼等  
閣樓有鐘鼓魁星明遠瞭望旣濟避水廣嗣等樓庵有呂  
祖水月海潮開天總聖等庵其書院有玉泉東坡樂義西  
亭南浦宏文等院祠有土地張仙十賢包公少保信陵許  
公張公五公烈女等祠壇有天地社稷孤魂等壇如此光  
景豈可泯沒是以造成一冊不辭瑣碎詳細開載使後人  
見之如覩當日風景也

終

如夢錄

五十五